

35 Jahr scho gets d`Opus-C-Voll 10 Jahr au scho di Senile  
und au mer d'uen scho sed 33 Jahr of euchi Lachmuskle ziele  
und au eusi Landfraue die gets no eifach jetzt unter neuem Namen  
jo und euse F'uurwehrverein er ruhe in Frieden Amen

Ich h'att g'arn em Christian Constantin d'utlich mini Meinig gseit  
jo was hesch du der als Sion Pr'asi eigentlich 'uberleit  
los Chregel du weisch mer h'and er Schwyz en huffe starchi Schwinger  
jo und was machsch du vergriefschti am Rolf Fringer

Wo nachem Postautoskandal d`Susanne Ruoff met de Bahn wot zur Arbet fahre  
jo do esch doch eusere Postchefin glatt de Schreck ed Gleder gfare  
bevor de Zog n'ahmli ifahre tuet gh'ort si vonere Stemm e n'atte  
us em Lutspr'acher pl'ozlich d`Ufforderig d'uend si bitte zugr'atte

Jedes Jahr w'arde mer Schwyzer bel'astiget die arme und au die riche  
und en n'atti Frau seit am Telefon mer seled eusi d`Krankekasse vergliche  
ich ha drumm jetzt alli Kasse vergliche vo Konstanz bes G'anf unde  
und ha leider dodebie ned ei gsundi Kasse g'funde

Zur Begr'uessig e minere Jugendzyt do get mer enand no d`Hand  
doch h'otzutags schm'utzlet mer sech nor no em G'secht omenand  
aber nach dem G'sturm em Bundeshuus frogt sech jetzt Alt und Jung  
esch die Schmuserei no legal oder scho sexuelli Bel'astigung

Cho und goh und cho und goh cho und goh und cho  
goh und cho und cho und goh das sell no ein verstoh  
im Departem'ant vor Franziska Roth du ich ch'onnst mech kneife  
do send die Agstellte jo schneller ew'ag als bem Campus de Fuessg'angerstreife

Dank em Regierigsrot gets f'ur d`Nancy Holten jetzt glich no de Schwyzerpas  
doch e hufe Oberfreckere die h'and ab dere Zw'angerei gar kei Spass  
drumm eschs jo klar das die de Holten kei Rieseempfang d'uend b'ute  
aber si h'atte jo wenigstens ch'onne d`Cheleglogge lo l'ute

Well euse Gmeirot ed d`Zuekonft luegt duet er en Atrag stelle  
drumm simmer ar Gmei met de St'uuere ue wenn au ned sovel wiener het welle  
e Zuekonft luegt gottseidank au Brugg das h'atti mer jetzt grad no g'f'ahlt  
das me als Stadtamme det en Historiker w'ahlt  
jo und wer als letschts no en Stadttrot wot jo do stunsch au ned schl'acht  
w'ahle si 'acht den de Buur oder doch de Chn'acht

Mer h'and z`Rinike all Jahr e super Fasnacht ond all 2 Jahr es Theater  
mer h'and e huffe Verein en offnigs Waldhus und Mukitorne au f'ur de Vater  
mer h'and e Bibliothek wo Prise g'unnst au d`Seniore f'ur Seniore  
also f'ur mech esch Rinike attraktiv gnue au wend Nagra chonnt cho bore

„Ueli de Chn'acht“ und „Ueli de P'achter“ send x-mol em Fernseh scho gloffe  
drumm duen ich scho set vellne Jahr uf en Fortsetzig hoffe  
doch wenn d`Billaggeb'uhre jetzt abgschafft w'arde esch die Sach wohl g'asse  
und ich cha de 3. Teil „Ueli de Gmeindamme“ verg'asse  
losed liebi L'ut vom Schwyzer Fernseh d'uend doch ned stuur als stuurer  
met em letschte G'ald l'angts de secher no f'ur „Ueli de Muurer“

Mohrekopf d'orfsch schiends n'omm s'age das heisst h'ot s`esch underem Hund  
stark pigmentierte Schokokuss mit Migrationshintergrund  
gets gli nor no es Nordd'utsches Rindshacksteak ond e Oestreicher Hauptstadtwurscht  
und drumm n'ahmte mer jetzt statt en Schwarztee lieber en Wysswy g'ag de Durscht

*Der Komedi*<sup>18</sup>

W'and er me bsueche? Ich be dehei onder „[www.komedi.ch](http://www.komedi.ch)“

Zugabervers 1

Cho und goh und cho und goh cho und goh und cho  
goh und cho und cho und goh ich gang jetze